

Husić: Omogućeno je preraspodjeliti rudare, ali da su radna mjesta sigurna



Sa nešto od sat vremena zakašnjenja, u sjedištu Združenog društva Rudnici mrkog uglja Zenica počeo je sastanak predstavnika sindikata i menadženta tog preduzeća, kojem prisustvuje i predsjednik Samostalnog sindikata radnika rudnika Federacije Bosne i Hercegovine Sinan Husić.



Sastanku, međutim, ne prisustvuje predstavnik Sindikata pogona „Stranjani“, čijih je, po nekim informacijama 70-ak, a po drugim i 150 rudara, jutros sišlo u jamu te nemaju namjeru izaći dok ne dobiju potvrdu da će njihova jama „preživjeti“ najavljeni plan rekonstrukcije preduzeća, odnosno da neće biti zatvorena.

Husić je okupljenim novinarima ponovio stav Javnog preduzeća Elektroprivreda Bosne i Hercegovine i Vlade FBiH kako nemaju namjeru ulagati u pogon „Stranjani“.

– Mi smo usaglasili preraspoređivanje u druge objekte, unutar tog rudnika...Ono što je za nas prihvatljivo je sigurnost radnih mjesta i preraspodjela, u skladu sa stručnom spremom u okviru jednog rudnika – kazao je Husić, koji je istakao kako će danas prenijeti i sve spoznaje do kojih su došli.

Husić je napomenuo kako radnicima „Stranjana“ ne želi obećavati nešto što nije moguće raelizirati, ali ni obrazlagati da li ima ili nema perspektivu taj pogon. O tome će, kaže Husić, odlučiti struka, na osnovu elaborata.

Nemaju, ističe Husić, namjeru preuzeti ni odgovornost za moguće posljedice zbog rada u takvom pogonu, kao ni za, eventualno, ekonomske.

-Ugovorima o radu, koji su aktuelni, otvorena je mogućnost preraspodjele radnika – napominje Husić. (F, tI)

Date: 08-10-2019